


# 21 - JUMBE TOKA MBALI KUPITA NYOTA



1

Mungu Angali Akinena Kupitia kwa Manabii Wake



2

Katika sehemu mbalimbali za dunia, wanasayansi wanaotumia darubini zinazotumia mawimbi sauti kama ya radio wanasikiliza sauti zinazotoka nje ya anga letu.



3

Wanategemea ya kwamba labda siku moja, watasikia ujumbe kutoka kwa viumbe hawa wenye akili waliopo katika dunia nyingine.



4

Kuna vithibitisho ya kwamba ujumbe umekuwa ukivuma Duniani kwa miaka maelfu sasa - lakini ni wachache wanaousikiliza. Huu ni ujumbe kutoka kwa Muumbaji wa sayari hii -- ujumbe wa upendo toka kwa Mungu unaojaribu kurejesha watoto wake waasi.



5

Utengano huu kati ya Mungu na wanadamu haukuwepo siku zote. Kila kitu kilianzia kwa uzuri katika Sayari Dunia -- Dunia iliyo kamili kwa ajili ya watu wawili walio kamili, walioumbwa kwa mfano wa Mungu!



6

Na pale katika nyumba ya Edeni, Mungu alikuja na kutembea na kuzungumza nao uso kwa uso. Hebu tafakari kama unawaona wakitembea tembea pamoja katika wakati wa jua kupunga jioni!



7

Hivi ndivyo Mungu alivyopanga - uhusiano mzuri wa umoja! Hakukuwa na cha kuwatenganisha. Haya lazima yalikuwa ni matembezi ya kupendeza pamoja.

## 21 - JUMBE TOKA MBALI KUPITA NYOTA



8

Lakini ni jambo la kusikitisha kusema, huu uhusiano wa upendo na umoja ulidumu tu kwa muda wa sura mbili katika Biblia.



9

Mwanzo, sura ya 3 inatuambia kisa cha kusikitisha. Adamu na Hawa walitenda dhambi.



10

Waliasi dhidi ya sheria ya Mungu ya upendo usio na dosari.

Dhambi hutenganisha. Dhambi na Mungu havikai pamoja.

Adamu na Hawa wasingeweza kuwa na mawasiliano ya moja kwa moja na ushirika na Mungu.



11

Walimsikiliza joka Lusifa na kumtii yeye badala ya Mungu -- na hiyo ndiyo dhambi.



12

(Fungu: Mwanzo 3:8)

Biblia yasema, Kisha wakaisikia sauti ya BWANA Mungu, akitembea bustanini wakati wa jua kupunga;



13

Adamu na mkewe wakajificha kati ya miti ya bustani, BWANA Mungu asiwaone



14

kati ya miti ya bustani.

Mwanzo 3:8.

Adamu na Hawa walikuwa wamejificha!

Hawakutaka kumkabili Mungu.

Walitaka tu kujificha.

Hicho ndicho dhambi inachotenda.

## 21 - JUMBE TOKA MBALI KUPITA NYOTA



15

Inatutenganisha na kuharibu uhusiano wa upendo kati ya Mungu na mwanadamu, na kati ya mtu na watu wengine.



16

(Fungu: Isaya 59:2)

Nabii Isaya aliandika: Lakini maovu yenu yamewafarikisha ninyi na Mungu wenu,



17

na dhambi zenu zimeuficha uso wake msiuone, hata hataki kusikia.....

Isaya 59:2.

Ndiyo, dhambi hututenganisha sisi na Mungu, lakini haikututenganisha na upendo Wake.

Mungu alipata njia ya kuendelea kuwasiliana na mwanadamu mwenye dhambi.

Upendo daima hutafuta namna ya kuendelea kuwasiliana!



18

Aliimarisha namna nyingine ya kuwasiliana na watoto wake katika Sayari Dunia -- njia ya kuongoza na kuelekeza, na kufunua mipango yake.

Alichagua wanaume na wanawake ambao angewaamini kuwa wanenaji wake, kuwasiliana upendo wake na mipango yake kwa mwanadamu.



19

Kati ya wale aliowachagua alikuwepo Musa, Miriamu, Samweli, Eliya, Hulda, Debora, Isaya, Yeremia, na wengine wengi.



20

Manabii wa kiume na wa kike walikuwa wanenaji wa Mungu!

## 21 - JUMBE TOKA MBALI KUPITA NYOTA



21

Hii ilikuwa ni njia ya Mungu ya kusema, Ninakupenda, Ninakujali, na ninao mpango kwa ajili yako.



22

Biblia inayo taarifa ya majadiliano mengi kati ya Bwana na watu mbalimbali watajwao katika Biblia, lakini hayakuwa majadiliano sawa na majadiliano na ushirika ambao Adamu na Hawa waliufurahia katika Bustani ya Edeni.



23

Wakati fulani Mungu alinena kwa njia ya Roho Mtakatifu, wakati fulani alinena kwa njia ya malaika watakatifu, na nyakati zingine kupitia kwa watu aliowachagua kuwa wajumbe wake.

Katika kipindi cha miaka 2,500 ya awali ya historia ya mwanadamu, hakukuwa na ufunuo ulioandikwa toka kwa Mungu kama ambavyo tumeweza kugundua hadi sasa.

Wale waliofundisha juu ya Mungu lazima walishuhudia kwa njia ya maneno kile alichowaambia.

Hata hivyo, njia iliyopendelewa sana ambayo Mungu alichagua kuitumia kuwasiliana na watu wake



24

(Fungu: Amosi 3:7)

imekuwa ni mkondo wa manabii - wa kiume na wa kike ambao walinena kwa ajili ya Mungu kwa kuongozwa na Roho Mtakatifu.

Hili si la kushangaza sana, kwani Biblia yasema wazi: Hakika Bwana MUNGU hatafanya neno lolote, bila kuwafunulia watumishi wake manabii siri yake. Amosi 3:7.



25

Hebu tuone jinsi hawa manabii walivyopokea ujumbe:



## 21 - JUMBE TOKA MBALI KUPITA NYOTA



26

(Fungu: 2 Petro 1:21)

Maana unabii haukuletwa popote kwa mapenzi ya mwanadamu,




27

bali wanadamu walinena yaliyotoka kwa Mungu, wakiongozwa na Roho Mtakatifu.

2 Petro 1:21

Mungu alikuwa na manabii, kwa kweli, hata kabla ya Gharika kuu ya siku za Nuhu.



28

(Fungu: Yuda 14)

Henoko alitangaza kuja kwa mara ya pili kwa Kristo: Na Henoko, mtu wa saba baada ya Adamu, alitoa maneno ya unabii juu ya hao, akisema,



29

'Angalia, Bwana alikuja na watakatifu wake, maelfu maelfu.'

Yuda 14.

Henoko ni mtu wa kwanza kutajwa katika Biblia ambaye alikuwa na karama ya unabii.

Lakini walikuwepo wengine!



30

(Fungu: Matendo 3:21)

Biblia yasema, Mungu alinena kwa .....kinywa cha manabii wake watakatifu tokea mwanzo wa ulimwengu. Matendo 3:21.

Nuhu, nabii mwingine, alitabiri juu ya maangamizi ya dunia kwa gharika miaka 120 kabla haijatokea.



31

Baada ya Gharika, tunaona manabii wengi wa kiume na wa kike - akiwemo Miriamu, Debora, Yeremia, Isaya, Ezeieli, na wengine.

Hawa walikuwa waalimu wa haki. Walikuwa na viongozi wa maadili na wa kiroho, wakinena kwa ajili ya Mungu.


## 21 - JUMBE TOKA MBALI KUPITA NYOTA



32

Wakati fulani Mungu alifunua mapenzi yake kwa manabii wa kiume na wa kike kwa njia ya njozi, wakati fulani kwa njia ya ndoto, na wakati fulani kwa njia ya Neno la Mungu.

Lakini daima kwa njia ya Roho Mtakatifu.



33

(Fungu: Hesabu 12:6)

Bwana alisema: ....Akiwapo nabii kati yenu, Mimi, BWANA, nitajifunua kwake katika maono;



34

Nitasema naye katika ndoto.

Hesabu 12:6.


Wakati fulani wajumbe wa Mungu walielekezwa wanene kwa niaba ya Mungu; wakati fulani walikuwa waandike au waweke taarifa ya ujumbe kwa ajili yake.

Kwa kweli, Biblia ni matokeo ya huduma ya manabii. Kila mwandishi alikuwa ni sehemu ya mpango wa Mungu.



35

Wote walinena au waliandika kwa niaba yake Wakiongozwa na Roho wake. Kupitia kwake Mungu alituma barua ya upendo kwa watoto wake duniani.



36

Hii ni njia yake ya kusema, Ninawapenda, na ninataka kuwasiliana nanyi.

Na kwa namna ya pekee anataka sisi tujue ya kwamba anatamani wakati ule ambapo tutakuwa na ushirika naye uso kwa uso!



37

Waandishi wote wa Agano Jipya -- Mathayo, Marko, Luka, Yohana, Paulo, Yakobo, Petro, na Yuda -- walikuwa ni sehemu ya mpango ule.

Wote walikuwa na karama ya unabii.

Kwa kweli, walikuwepo wengine wakati huo waliokuwa wakinena kwa ajili ya Mungu: Simeoni, Agabus, Baranabas, Anna,

# 21 - JUMBE TOKA MBALI KUPITA NYOTA



38


(Fungu: Matendo 21:9)

na mabinti wanne wa Filipo .....waliokuwa wakitabiri. Hawa wote walikuwa vyombo vya Mungu vilivyotumika kufunua mapenzi yake na kutia moyo kanisa la Kikristo la awali.



39

Kisha Yesu akaja, kueleleza yeye binafsi kwa maneno na matendo jinsi Mungu alivyo hasa. Kamwe dunia haijapata kushuhudia Mwana mawasiliano mzuri kama huyo wa upendo na fikira za Mungu.



40

Karne kumi na tisa zimepita tangu Kalvari, na bado wanaume na wanawake, wavulana na wasichana hupiga magoti chini ya msalaba na kuweka maagano yasiyoisha na kujitoa kwa Mwokozi wa Ulimwengu. Yesu aliporudi mbinguni, Biblia yasema aligawa karama kwa watu -karama ambazo zingeliwatia moyo na kuwaimarisha wafuasi wake:



41

(Fungu: Waefeso 4:8)

Hivyo husema, Alipopaa juu aliteka mateka, Akawapa wanadamu vipawa.

Waefeso 4:8.

Hizi karama zilikuwa zipi?



42

(Fungu: Waefeso 4:11 - 15)

Biblia yasema, Naye alitoa wengine kuwa mitume, na wengine kuwa manabii; na wengine kuwa wainjilisti na wengine kuwa wachungaji na waalimu.

Waefeso 4:11.



43

Kwa nini Yesu alichagua kutoa karama kwa kanisa? Fungu la 12 lasema, Kwa kusudi la kuwakamilisha watakatifu, hata kazi ya huduma itendeke, hata mwili wa Kristo ujengwe.

# 21 - JUMBE TOKA MBALI KUPITA NYOTA



44

Hizi karama zilikuwa zisalie kanisani kwa muda gani? Hata na sisi sote tutakapoufikia umoja wa imani na kumfahamu sana Mwana wa Mungu, hata kuwa mtu mkamilifu,




45

hata kufika kwa cheo cha kimo cha utimiilifu wa Kristo.

Fungu la 13.

Biblia yasema ya kwamba karama hizi zingetengeneza msimamo kwa kanisa na kuimarisha watu



46

Ili tusiwe tena watoto wachanga, tukitupwa huku na huku, na kuchukuliwa na upepo wa elimu,




47

kwa hila ya watu, kwa ujanja, tukizifuata njia za udanganyifu.

Fungu la 14.

Tambua mahali ambapo karama ya unabii inaposimama katika orodha ya karama za roho, kama jinsi Paulo anavyoziita.



48

(Fungu: 1 Wakorintho 12:28)

Na Mungu ameweka wengine katika kanisa, wa kwanza mitume, wa pili manabii,.....

1 Wakorintho 12:28.



49

Karama ya unabii ilikuwa ya pili baada tu ya ile ya utume, lakini ilikuwa iwe ya muhimu sana na karama ya maana katika kusaidia kanisa kutenda kazi sawasawa.



## 21 - JUMBE TOKA MBALI KUPITA NYOTA



50

Paulo alifananisha karama za Roho na sehemu mbalimbali za mwili wa mwanadamu. Alionyesha ya kuwa macho, kichwa, mdomo, na sehemu zingine za mwili zote ni za muhimu kwa mwili ili ufanye kazi kwa uzuri na kwa ustadi. Vivyo hivyo na kanisa. Bila maono, kwa mfano, kanisa li kipofu!



51

(Fungu: Mithali 29:18)  
Pasipo maono, watu huacha kujizua; Bali ana heri mtu yule aishikaye sheria.  
Mithali 29:18.




52

Lakini, wasema, Kitu gani kilitokea kwa karama ya unabii baada ya Kristo kurudi mbinguni na wanafunzi wake wote kufa?



53

Siyo vizazi vingi vilivyopita hadi kanisa lilipokuwa zembe, likiuuza ukweli, na kukosa uaminifu kwa Mungu na sheria yake. Yeremia anayo taarifa ya kile kilichotokea wakati Israeli walipoasi kwa kipindi fulani:



54

(Fungu: Maombolezo 2:9)  
.....Wasio na sheria; Naam, manabii wake hawapati maono yatokayo kwa BWANA.  
Maombolezo 2:9.



55

Kanisa la awali lilipoendelea kuingiza kanuni za kipagani na tabia zao na kuacha kweli za muhimu za Biblia, karama za kiroho moja baada ya nyingine ziliondolewa.



56

Wakati wa uasi wa kanisa, au wakati wa Zama za Giza, Biblia ilifungwa kwa mnyororo katika madhabahu za kitawa. Kwa ujumla ziliandikwa katika Kiebrania, Kiyunani na Kilatini.

## 21 - JUMBE TOKA MBALI KUPITA NYOTA



57

Watu wa kawaida walipigwa marufuku kuhozi au kusoma Maandiko.

Makasisi (au mapadre) peke yao waliruhusiwa kusoma na kutafsiri Biblia.

Wakristo waaminifu wachache walishikilia Biblia na ukweli wake,

Ijapokuwa kulikuwa na mateso, waliendeleza mbele kazi ya upelekwa na kushiriki sehemu za Maandiko waliyokuwa nayo na watu wengine.

Walipanda mbegu za Matengenezo muda mrefu kabla ya Wycliffe, Luther, na Huss.



58

Martin Luther na wengine waliitafsiri Biblia katika lugha ya kawaida ya watu. Mateso yalikuja, lakini yalizidisha tu tamaa kubwa kwa ajili ya Neno la Mungu.



59


Na kadiri watu walivyoanza kwa bidii kujifunza Maandiko, kweli za zamani zilizofichwa kwa karne nyingi ziligunduliwa.

Kweli hizi zililetwa mbele za watu, na mwamko mkuu wa kidini ukatokea.



60

Katika kipindi hiki kukatokea msukumo mpya wa kidini - kundi la Wakristo waliojitoa, baadhi Wabaptisti, baadhi Wamethodisti, baadhi Wapresbiteriani, na wengine - wakiyachunguza Maandiko na kusali wapate nuru.



61

Walivyoendelea kuchunguza Biblia waligundua katika amri ya nne ya Mungu kumbukumbu kuu ya Uumbaji wake - siku Mungu aliyowaomba watu wake kukumbuka.

Walisoma Kitabu cha Ufunuo na kuona maelezo ya watu wa siku za mwisho wa Mungu:

# 21 - JUMBE TOKA MBALI KUPITA NYOTA



62

(Fungu: Ufunuo 14:12)

Hapa ndipo penye subira ya watakatifu, hao wazishikao amri za Mungu, na imani ya Yesu. Ufunuo 14:12.

Walivyoendelea kusoma na kujifunza mafungu, waliguswa zaidi na utunzaji wa amri za Mungu ikiwemo ya utunzaji wa Sabato ya Biblia.



63


Waliikubali hii kumbukumbu ya uumbaji na kutangaza ukweli wa Sabato kwa dunia



64

Vipi juu ya karama ya unabii?


Je, Mungu angeliinua karama maalum ya unabii kati ya hawa watu wa wakati wa mwisho waitunzao Sabato? Je, Mungu anacho kitu fulani maalum? Je, si sawa kuhitimisha ya kwamba Mungu anaweza kuwa amekuwa na kitu fulani maalum cha kusema kwa kizazi hiki? Je, yawezekana ya kwamba Mungu katika upendo wake kwa ajili yetu leo anataka kudumu katika mawasiliano nasi?



65


(Fungu: Yoeli 2:28,31)

Sikiliza: Hata itakuwa, baada ya hayo, ya kwamba nitamimina roho yangu juu ya wote wenye mwili;



66

na wana wenu, waume kwa wake, watatabiri, wazee wenu wataota ndoto, na vijana wenu wataona maono.



67

...kabla haijaja hiyo siku ya BWANA iliyo kuu na itishayo. Yoeli 2:28,31.

## 21 - JUMBE TOKA MBALI KUPITA NYOTA



68

Tambua ya kwamba Mungu alisema hili lingetokea mara tu kabla ya siku Kuu na ya Kutisha ya Bwana -- au kabla tu ya kuja kwa Kristo mara ya pili. Watu wa Mungu wanapaswa kuwa na karama ya unabii kati yao wakati wa masaa ya mwisho ya historia ya dunia. Akiwasiliana na kanisa la Korintho, Paulo alitoa kauli hii kuhusu wafuasi wa Mungu:



69

(Fungu: 1 Wakorintho 1:7)  
Hata hamkupungukiwa na karama yo yote, mkikutazamia sana kufunuliwa kwake Bwana wetu Yesu Kristo.  
1 Wakorintho 1:7.



70

Tumekwisha gundua ya kwamba watu wa Mungu katika siku za mwisho watatambulika kama wale ambao watakuwa wame zishika amri za Mungu, na kuwa na ushuhuda wa Yesu; Ufu. 12:17



71

subira ya watakatifu



72

na kuzishika amri za Mungu



73

na watakuwa na ushuhuda wa Yesu.



## 21 - JUMBE TOKA MBALI KUPITA NYOTA



74

(Fungu: Ufunuo 19:10)


Tunaambiwa ya kwamba ushuhuda wa Yesu ni roho ya unabii. Ufunuo 19:10. Kwa maneno mengine, ushuhuda wa Yesu ni ushuhuda wa Yesu kupitia kwa karama ya unabii.

Kulingana na Ufunuo, kanisa linalosalia kama mfereji wa mawasiliano katika siku za mwisho linatambulika kwa kuwa na imani ya Yesu, likizitunza amri zote za Mungu, na kubarikiwa kwa karama ya unabii.



75

Ndiyo, bado Mungu anataka kuwasiliana. Bado angali na neno la kusema kwa kizazi hiki.



76

Lakini waweza kuuliza, Vipi juu ya uwezekano wa udanganyifu?

Twawezaje kujua tofauti kati ya nabii wa kweli wa Mungu na nabii wa uongo?



77

Uwezekano wa udanganyifu umekuwepo daima. Katika historia yote kumekuwa na manabii wa uongo na wa kweli.

Hatupaswi kujihusisha na wale wa uongo, kama tunajua namna ya kuwatambua wale walio wa kweli.



78


Biblia inatoa tabia maalum ambazo zinatambulisha nabii wa kweli:



79

Ujumbe wa nabii wa kweli utapelekana kabisa na Neno la Mungu na sheria yake.

## 21 - JUMBE TOKA MBALI KUPITA NYOTA




80

(Fungu: Isaya 8:20)

Na waende kwa sheria na ushuhuda; ikiwa hawasemi sawasawa na neno hili, bila shaka kwa hao hakuna asubuhi.

Isaya 8:20.



81


Utabiri wa nabii wa kweli lazima utokee au daima ni lazima utimie!



82

(Fungu: Yeremia 28:9)


...neno la nabii yule litakapotokea, ndipo nabii yule atakapojulikana, kuwa BWANA amemtuma kweli kweli. Yeremia 28:9.



83

Nabii wa kweli hutabiri ili kulijenga kanisa.

Mojawapo ya sababu ya Mungu kutoa karama ya unabii ni ili kulijenga kanisa lake. Kama tunataka kugundua karama ya kweli sharti tugundue pia kanisa la kweli. Hizi zimeshikana pamoja.



84

(Fungu: 1 Wakorintho 14:3,4)

Bali yeye ahutubuye, asema na watu maneno ya kuwajenga, na kuwafariji, na kuwatia moyo...



85

bali yeye ahutubuye ( au anayetabiri) hulijenga kanisa.

1 Wakorintho 14:3,4.



86

Nabii wa kweli atamtukuza Kristo kama Mwana wa Mungu na Mwokozi wa wanadamu:

# 21 - JUMBE TOKA MBALI KUPITA NYOTA



87

(Fungu: 1 Yohana 4:1,2)  
Wapenzi, msiiamini kila roho, kwamba zimetokana na Mungu;




88

kwa sababu manabii wa uongo wengi wametokea duniani.



89

...Kila roho ikiriyo kwamba Yesu Kristo amekuja katika mwili yatokana na Mungu.  
1 Yohana 4:1,2.



90

Nabii wa kweli wa kiume au wa kike atajulikana kwa maisha yake na matendo yake.




91

(Fungu: Mathayo 7:16,18)  
Mtawatambua kwa matunda yao....



92

Mti mwema hauwezi kuzaa matunda mabaya, wala mti mwovu kuzaa matunda mazuri.  
Mathayo 7:16,18.



93

Kulingana na mafungu haya, inakuwa dhahiri ya kwamba si kila ajiitaye kuwa nabii wa Mungu ni nabii wa kweli.

## 21 - JUMBE TOKA MBALI KUPITA NYOTA



94

Ujumbe wa nabii wa kweli, maisha yake na matendo yake lazima viunge mkono na kuimarisha ujumbe wa kinabii katika Biblia na maelekezo na amri za Mungu katika Neno lake Takatifu.

Hivyo bila kujali ni nani anayedai kunena kwa niaba ya Mungu, kipimo hiki kinamhusu!

Kama mtu anapelekana nacho, Mungu ashukuriwe! Kama sivyo, fuata onyo la Mungu la kuwa macho nao.



95

Hebu nieleze kisa cha jinsi Mungu alivyochagua kuwa na mawasiliano na watu wake. Ulikuwa wakati ambapo walikuwa wakiuambia ulimwengu kweli zile zilizokuwa zimefichwa kwa karne nyingi.

Ulikuwa wakati wa Mwamko Mkuu wa Kidini mapema karne ya 19. Kulikuwa na shauku ya ajabu ya mafundisho ya Biblia na maombi.

Unabii wa Danieli na Ufunuo ulikuwa ukipendwa zaidi.



96

Wanafunzi waaminifu wa Biblia walijifunza unabii huu na hatimaye wakafikia hitimisho ya kwamba Yesu angekuja katika wakati wao.



97

Walipoendelea kujifunza wakafikia katika tarehe ya Oktoba 22, 1844. Hata hivyo, Oktoba 22 ilipita na marejeo ya utukufu ya Yesu hayakutokea.



98

Ulikuwa wakati wa kukatisha tamaa mkuu kuliko wote. Ulizua kujeli, dharau, na kutoeleweka.



## 21 - JUMBE TOKA MBALI KUPITA NYOTA



99

Baadaye, baada ya sala nyingi na majifunzo zaidi ya Biblia, kundi hili liligundua tarehe ilikuwa sahihi, lakini tukio hailikuwa sahihi!

Walidhania hekalu lililotajwa katika Danieli 8:14 lilikuwa dunia, lakini katika hili walikuwa wamekosea.

Badala ya dunia kutakaswa kwa moto, hekalu la mbinguni lilitakaswa. Hili lilihusisha uthibitisho wa mwisho wa tabia ya Mungu na serikali yake.



100

Watu walivunjika mioyo, kukata tamaa kulionekana kama kusikoweza kubebeka.

Lakini Mungu mwenye upendo kamwe hamuachi mtafiti mwaminifu wa ukweli: na hakuwaacha hawa waumini wa marejeo katika kipindi hiki cha shida. Aliwataka wajue ya kwamba Aliwajali - kwamba aliwapenda na alitaka kuwasaidia. Hivyo katika kipindi hiki nyeti, Mungu alichagua kurejesha karama ya unabii kwa watu wake. Ni kisa cha kusionua tangia mwanzo!



101

Alimchagua binti dhaifu aliyekuwa na umri wa miaka 17 tu na kumpa njozi ya ushindi ya mpango wa Mungu. Ellen Harmon alipewa njozi yake ya kwanza mara baada ya kukata tamaa kukuu kwa Desemba, 1844.

Alionyeshwa wana marejeo wakisafiri katika njia iliyoitaka kwenda mbinguni na njia hii ikiwa na nuru yenye kung'aa iliyoitangaza njia.



102

Lilikuwa jambo la kutia moyo kiasi gani kwa kundi hili dogo lililosambaa la waumini wa marejeo, ambalo baadaye lingejulikana kama Waadventista wa Sabato.

## 21 - JUMBE TOKA MBALI KUPITA NYOTA



103

Huyu mwanamke kijana ambaye baadaye alifahamika kama Ellen White kwa sababu ya ndoa yake na mtangulizi wa Waadventista, James White, alikuwa mwaminifu kwa mwito wake. Kwa zaidi ya miaka 70, alinena, aliandika, alifundisha, na alishauri akiongozwa na Mungu. Hata ingawa upana wa huduma yake na ujuzi wake ulikuwa wa kushangaza, kazi yake kuu, kama alivyoieleza, ilikuwa ni kuongoza wanaume na wanawake kwa 'nuru kuu' -- Biblia.



104

Aliandika: Usikivu kidogo tu umewekwa kwa Biblia na Bwana ametoa nuru ndogo ili kuongoza watu waume na wake kwa 'Nuru Kuu.'


-- Huduma ya Uinjilisti wa Vitabu, uk. 125.



105


Alitanguliza Maandiko Mtakatifu kama mahakama ya mwisho ya rufaa katika maswali yote yahasuyo mafundisho ya Biblia.

Kwa wale waliokuwa wakikosoa Neno la Mungu, aliandika:



106

Shikeni Biblia yenu kama isemavyo na mkome ukosoaji wenu kuhusu uthamani wake na mulitii Neno,



107

na hakuna hata mmoja wenu atakayepotea. Selected Messages, Kitabu cha 1, uk. 18.



108

Hakuna mwanamke hata mmoja ambaye amewahi kuchapa vitabu vingi kama Ellen White alivyochoapa vitabu, makala za magazeti, vitini, majarida, na nyaraka binafsi. Ujumbe wake wa ushauri na makaripio yaliyopokelewa toka kwa Mungu yalitolewa kwa watu wake katika kipindi chote cha maisha yake.

## 21 - JUMBE TOKA MBALI KUPITA NYOTA



109

Maandishi yake yanahusisha ushauri katika maisha ya ushindi ya Kikristo, lishe, afya, malezi ya uja uzito, madawa, ndoa na unyumba, uongozi wa watoto, elimu, na mengi, mengi zaidi. Mengi ya maandishi yake sasa yana umri wa zaidi ya miaka mia moja na yamethibitishwa na kupelekana na uvumbuzi wa kisayansi wa kisasa. Amenukuliwa na maprofesa, madaktari, watangazaji wa habari, na wengine kama bingwa katika nyingi ya fani hizi.



110


Dk. Clive M. McCay, marehemu profesa wa lishe katika Chuo Kikuu cha Cornell, alisema: Maandishi ya Ellen G. White yametajwa kwa sababu yanatoa mwongozo kwa ajili ya lishe ambayo inajenga na kuhusisha mwili mzima.

- Chakula cha Asili na Kilimo, Mei, 1958.



111

Nyuma kabisa mwaka wa 1864, Ellen White aliandika: Tumbaku ni sumu idanganyayo sana na iliyoovu zaidi...



112

Ni ya hatari zaidi kwa sababu madhara yake kwa mfumo wa mwili huingia taratibu sana, na hutambulika kidogo kidogo.



113


Hayakueleweka mapema hadi mwaka wa 1957 wakati Jumuiya inayoshughulikia Maradhi ya Moyo ilipotoa hitimisho ya kuwa uvutaji wa tumbaku ni chanzo kikubwa cha sarakani ya mapafu! Wakati wake wale waliokuwa katika fani ya tiba lazima walimhoji, kwani wakati ule ilifikirika ya kwamba tumbaku na sigara vilikuwa ni tiba ya muhimu ya maradhi ya mapafu.

## 21 - JUMBE TOKA MBALI KUPITA NYOTA



114

Katika mwaka wa 1905 Mama White aliandika ya kwamba kulikuwa na 'vijidudu' vya sarakani. Alitaja: Watu wanadumu kula nyama iliyojazwa na vijidudu vya kifua kikuu na sarakani....



115

Kifua kikuu, sarakani, na maradhi mengine ya kufisha husambazwa kwa njia hiyo.  
---- Huduma ya Uponyaji, uk 313.



116

Kwa kweli, leo tungelitumia kwa usahihi zaidi neno kirusi.  
Miaka tisini na tatu baadaye, gazeti la Newsweek lilichapisha habari iliyokuwa na kichwa kisemacho Virusi ni wakala wakuu wanaoamsha sarakani



117

Dk. Wendell Stanley, mtaalamu wa virusi na mshindi wa Nishani ya Nobeli,



118

aliendelea kiasi cha kutaja bila kuainisha ya kwamba aliamini virusi ni vyanzo vya sarakani zote za mwanadamu.  
--Newsweek, Juni 18, 1956.



119

Mwaka wa 1902, Ellen White alionya ya kwamba San Fransisco na Oakland itaadhibiwa na Mungu kwa sababu walikuwa kama Sodoma na Gomora.  
(Manuscript 1902, uk.114)



## 21 - JUMBE TOKA MBALI KUPITA NYOTA



120

Tarehe 18 Aprili, 1906 saa 11:02 alfajiri, tetemeko kuu la San Francisco lilitokea.

Unabii ulikuwa wa kweli.

Uharibifu uliotabiriwa ulitokea kwa hakika kama ulivyotabiriwa.

Mafanikio ya mama White yanashangaza zaidi tunapofikiria juu ya vikwazo vingi na mapungufu yaliyomkabili wakati wote wa maisha yake.



121

Mtu aweza kuhoji kwamba huyu Ellen White alikwa nani na alikuwaje?

Jibu linatupeleka nyuma hadi Novemba 26, 1827.



122

Katika tarehe ile, dada pacha, Elizabeth na Ellen, walizaliwa karibu na kijiji kidogo cha Gorham, Maine, kwa familia ya Eunice na Robert Harmon. Ellen alikuwa wa mwisho kati ya watoto nane.



123

Akiwa na umri wa miaka tisa ajali ilibadili maisha yake milele.

Akirejea nyumbani toka shuleni, Ellen alijeruhiwa vibaya sana kwa jiwe lililorushwa na mwanafunzi mwenzake waliyesoma darasa moja naye.



124

Kwa majuma matatu hakujitambua. Hakuweza kuendelea na shule, na ilionekana kama asingeweza kuishi muda mrefu.

Hakuendelea zaidi ya viwango vya mwanzoni vya shule.

## 21 - JUMBE TOKA MBALI KUPITA NYOTA



125

Miaka kadhaa baadaye Ellen alitizama nyuma akiwa na hisia mchangayiko katika mwaka wa tisa wa umri wake. Kwa kweli, lilikuwa jambo la kuvunja moyo kwa kutoweza kuhudhuria shule- kwa kutoweza kukimbia na kucheza na dada zake na kaka zake. Lakini wakati awamu moja ya maisha ilipoonekana kuisha, nyingine ilianza. Ellen akawa mwanafunzi mzuri sana wa Biblia. Alihudhuria kwenye mikutano ya makambi, uamsho, na mikutano ya nyumba kwa nyumba.



126

Baada ya kuhudhuria mikutano ya makambi ya Kimethodisti kule Buxton, Maine, Ellen alibatizwa tarehe 26 Juni, 1842. Akawa mshiriki wa kanisa la Kimethodisti.



127

Baadaye, Ellen na familia yao walihudhuria makambi yaliyofanyika kule Portland, Maine. Mnenaji alikuwa William Miller, kepteni wa zamani wa jeshi, ambaye alikuwa akijifunza Biblia kwa bidii. Kwa sababu alikuwa na shauku na kuja kwa Kristo upesi, yeye na wafuasi wake walibandikwa jina Waadventista au Wafuasi wa Miller. Familia ya Harmon ilishawishika juu ya ukweli wa ujumbe wa Miller.



128

Hata hivyo, baada ya kukata tamaa kukuu kwa tarehe 22 Oktoba, 1844, wao pia walishanganyikiwa. Ellen alikata tamaa sana. Alilia, alijifunza neno la Mungu ili apate jibu, kama ilivyokuwa kwa wengi wa waumini waadventista. Na hapo ndipo Mungu alipomuita kuwa nabii. Kimwili, hakuonekana kuwa kama mtu uliyemtegemea kuwa nabii. Alikuwa msichana wa miaka 17, akipambana na kifua kikuu na matatizo ya moyo. Na bado mwezi wa Desemba, 1844, Mungu alichagua kunena kwa Ellen katika njozi. Katika maneno yake mwenyewe, anaeleza mwitikio wake kwa wito huo:

## 21 - JUMBE TOKA MBALI KUPITA NYOTA



129

Baada ya kupata njozi hii, na Mungu kunipatia nuru, alinisihi niipeleke....lakini nilikataa. Nilikuwa kijana, na nilidhani hawangeweza kuipokea toka kwangu.  
- Ellen G. White Barua ya 3, 1847.



130

Ingawa alijihisi kutostahili na mdhaifu kimwili kulingana na majukumu ya mwito huu toka kwa Mungu, kwa imani alipokea utume huu toka kwa Mungu ambao ungedumu kwa maisha yake yote.



131

Ellen na mumewe James White walitenda kazi pamoja katika kuisambaza nuru hii ambayo Mungu aliitoa.



132

Ushindi wao na kujitoa kwao kunatajwa katika maandishi yake mengi.  
Katika maisha yake yote Ellen White alikuwa Mkristo aliyejitoe, mtumishi wa Mungu ambaye hakuchoka, na mama mwenye bidii.  
Alipendwa na mumewe, familia yake, na maelfu katika dunia.



133

Tarehe 6 Agosti, 1881, mume wa Ellen James alifariki kule Battle Creek, Michigan.  
Ellen alisimama kando ya kaburi lake-akiweka agano la kuendeleza kazi ambayo walikuwa wamejinyima pamoja na kuiendeleza kwa zaidi ya miaka 35!



134

Baadhi ya maandishi mazuri sana na yatia nguvu moyo yalitokea baada ya tarehe hii.  
Alitenda kazi peke yake kwa miaka mingine 34.  
Huduma yake ya unabii ilimchukua hadi nchi kadhaa -- akiongoza, akielekeza, na kushauri waumini kama jinsi Bwana alivyomuongoza.

## 21 - JUMBE TOKA MBALI KUPITA NYOTA

---




135

Maisha na kazi za Ellen Gould White zilimalizika tarehe 16 July, 1915.

Alikuwa amepita miaka 87 ya umri.

Alizikwa pembeni ya mume wake katika Makaburi ya Oak Hill kule Battle Creek, Michigan. Majuma machache baada ya kufariki kwake, gazeti moja likawa na kauli hii:



136

Hakuonyesha kiburi chochote cha kiroho na hakuwa akitafuta utajiri. Aliishi maisha na kutenda kazi iliyomstahili nabii, mtu wa kutamanika kuliko wote katika warithi wa Marekani. The New York Independent, Agosti 23, 1915.



137

Ndiyo, sauti yake imebaki imetulia katika kalamu yake. Lakini maneno yenye thamani sana ya ushauri, maonyo, maelekezo na yanayotia moyo ya huyu mtu mwaminifu wa Mungu yataendelea kuongoza watu wa Mungu hadi kufikia ushindi wa mwisho!



138

Maisha yake kwa ulimwengu ni karama ya upendo - ujumbe kwa dunia kutokea mahali palipo mbali na ulimwengu, toka kwa Mungu wa upendo ambaye bado anataka 'kuwasiliana' na watoto wake hapa hadi Kristo atakaporejea. Kisha nuru ndogo itafifia tutakaposimama katika nuru ya utukufu wa Uwepo wake kwa mara nyingine tena ili kuona na kushiriki pamoja na Mungu uso kwa uso katika utukufu wake wote!





139

Miaka kadhaa iliyopita, katika jangwa kubwa la Bechuana, la Afrika ya kusini aliishi mmojawapo kati ya watu waishio porini aliyeitwa Sukuba. Aliishi maisha ya upweke kama mmojawapo katika kabila la watu walio hama hama. Usiku mmoja wakati wa majira ya baridi alijikokota na kuingia katika kibanda chake akijiandaa kulala. Lakini ghafla usiku ukawa na nuru kuliko mchana. Kulitokea kama mtu aliyeng'aa ambaye alimwambia kuwatafuta watu wa Kitabu.

Lazima atafute watu waliomwabudu Mungu. Sukuba hakuwa na hakika ujumbe huu ulimaanisha nini. Kitabu gani? Angelikisomaje kama angekipata? Lugha ya huyu mtu wa porini ilikuwa na sauti kama 'gh' na zenye vidoko tofauti na lugha nyingine za kiafrika. Haijawezekana kuiweka lugha hii katika maandishi. Lakini huyu aliyeng'aa, kama jinsi Sukuba alivyomuita malaika aliyemtokea, alikuwa amemwambia, Kitabu kinanena. Utaweza kukisoma. Sukuba alisafiri kwa siku kadhaa pamoja na familia yake katika kukitafuta Kitabu. Alifika katika kibanda cha wakulima wa ki bantu na akauliza kama walifahamu watu wenye Kitabu.

Huyu mbantu aliyeulizwa alishangaa kumsikia huyu mtu wa porini akinena kwa namna fulani lugha ya kibantu. Mara moja alimchukua Sukuba na kumpeleka kwa mchungaji wake. Mchungaji aliguswa sana na kisa cha Sukuba. Akasema, Safari yako imefikia mwisho. Sukuba alifurahi sana. Lakini usiku ule yule 'Mwenye Kung'aa' alimtokea tena. Alimwambia kwamba hawa hawakuwa watu aliokuwa anawatafuta.

Sharti atafute kanisa linalotunza Sabato na mchungaji Moyo. Mchungaji Moyo angekuwa na Kitabu na pia vitabu vya kijani vinne ambavyo kwa hakika ni tisa. Siku iliyofuata Sukuba aliomba kwa ajili ya ishara. Alihitaji maelekezo ya njia kwa ajili ya safari yake. Alipoomba wingu likatokea angani. Sukuba alitembea kulifuata na akalielekea kwa siku saba. Lilitoweka juu ya kijiji kimoja. Hapa Sukuba

## 21 - JUMBE TOKA MBALI KUPITA NYOTA

akaulizia juu ya Mchungaji Moyo na upesi alielekezwa kwa nyumba yake.

Baada ya Sukuba kueleza kisa chake katika lugha yake, Mchungaji Moyo aliitoa Biblia yake iliyokuwa imezeeka. Ndicho hicho! Sukuba lisema kwa sauti kubwa. Ndicho hicho! Lakini viko wapi vitabu vinne, ambavyo kwa hakika ni tisa?

Naam, kama ilivyokuja kuonekana, Ellen White miaka kadhaa iliyopita, alikuwa ameandika vitabu (Magombo) tisa ya maelekezo kwa kanisa la Mungu vilivyoitwa Shuhuda kwa Kanisa. Na hivi baadaye viliuganishwa na kuwa vitabu vinne. Utafiti wa Sukuba ukawa umefikia kilele. Alikuwa amewapata watu wa Kitabu. Alikuwa amewapata watu watunzao Sabato, watu waliobarikiwa na karama ya unabii. Hatimaye yeye pamoja na familia yake walimkubali Kristo na kubatizwa. Akawa mmishenari kwa watu wa kabila lake. Mungu anatenda kazi yake kwa njia za kushangaza leo katika kuwaongoza wanaume kwa wanawake kwa kanisa lake la kweli. Ukweli ya kwamba unasikia kisa hiki si ajali. Kama Sukuba, wewe pia unaongozwa. Mungu anakuongoza katika kweli yake. Mungu anakupatia wewe ujasiri wa kuukabili wakati ujao.

Pengine umekuwa ukiutafuta ukweli kwa miaka mingi. Nina amini utafiti wako umefikia kilele chake. Umeongozwa na mbingu hadi kufikia katika mahali hapa. Wewe kama Sukuba, waweza kutamka kwa sauti, Hili ndilo! Kanisa la Mungu!

Je, hutaki kujiunga na wale wanaotunza amri za Mungu na kuwa na imani ya Yesu? Je, hutaki kujiunga na watu wa Mungu wa wakati wa mwisho? Tafakari ahadi hii kwa makini.

Yawezekana ikawa ni uamuzi wa muhimu zaidi wa maisha yako.